

ÁKVÖRDUN FRAMKVÆMDASTJÓRNARINNAR

2013/EES/16/03

frá 7. janúar 2010

um öryggiskröfur sem uppfylla þarf með Evrópustöðlum um barnheldan læsibúnað fyrir glugga og svalahurðir, sem neytandi setur upp, samkvæmt tilskipun Evrópuþingsins og ráðsins 2001/95/EB (*)

(tilkynnt með númeri C(2009) 10298)

(2010/11/ESB)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2001/95/EB frá 3. desember 2001 um öryggi vöru ⁽¹⁾, einkum a-lið 1. mgr. 4. gr.,

og að teknu tilliti til eftirfarandi:

- 1) Í tilskipun 2001/95/EB er kveðið á um að evrópskar staðlastofnanir skuli fastsetja Evrópustaðla. Staðlarnir skulu tryggja að vörur uppfylli almennar öryggiskröfur tilskipunarinnar.
- 2) Samkvæmt tilskipun 2001/95/EB telst vara örugg, að því er varðar áhættu og áhættuflokka sem falla undir landsstaðla, ef hún er í samræmi við valfrjálsa landsstaðla sem settir hafa verið til að framfylgja Evrópustöðlum.
- 3) Fall úr tiltekinni hæð fyrir slysi, s.s. úr gluggum eða af svölum, er algeng orsök dauðsfalla og varanlegs skaða á heila eða beinum hjá börnum undir 5 ára aldri. Slík slys eru stór vandi á þéttbýlissvæðum, þar sem eru þyrpingar af fjölhæða íbúðablokkum, og ná hámarki á vorin og sumrin þegar gluggar eru hafðir opnir lengur en ella. Á Île-de-France svæðinu voru skráð 67 slys, þar sem börn féllu úr tiltekinni hæð fyrir slysi, frá því í maí og fram í september 2005, sem samsvarar 14 tilvikum á mánuði. Í Danmörku og Svíþjóð eru skráð á bilinu 20 til 60 tilvik á hverju ári. Á árunum frá 1996 til 2003 var fjöldi slíkra slysa, þar sem börn komu við sögu, að meðaltali 79 á ári í Grikklandi, 130 á ári í Hollandi og 25 á ári í Bretlandi.

(*) Þessi EB-gerð birtist í Stjtið. ESB L 4, 8.1.2010, bls. 91. Hennar var getið í ákvörðun sameiginlegu EES-nefndarinnar nr. 196/2012 frá 26. október 2012 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá EES-viðbæti við Stjórnartíðindi Evrópusambandsins nr. 6, 24.1.2013, bls. 10.

(1) Stjtið. EB L 11, 15.1.2002, bls. 4.

- 4) Til að draga úr eða koma í veg fyrir slys af völdum falls eru gerðar kröfur um stærð glugga, að til staðar séu handrið við glugga og öryggislæsingar á þeim ásamt því hvernig slíkur búnaður er útfærður. Almenn er þó mælt fyrir um slíkar kröfur í landsbundnum byggingarreglum sem eru mismunandi frá einu aðildarríki til annars.

- 5) Einnig eru vörur á markaði sem eru hannaðar þannig að þær takmarka eða hindra opnun glugga og svalahurða. Slíkar vörur setur neytandinn upp sjálfur beint á gluggann eða svalahurðina.

- 6) Engir evrópskir öryggisstaðlar eru til um slíkar vörur. Sem stendur eru helstu viðmiðanir fyrir atvinnurekendur og markaðseftirlitsyfirvöld að finna í vissum landsbundnum og alþjóðlegum stöðlum og prófunaraðferðum.

- 7) Á árunum 2005 til 2007 stóðu Austurríki, Danmörk og Noregur sameiginlega að verkefni til að meta öryggi læsibúnaðar fyrir glugga og svalahurðir, sem neytandi setur sjálfur upp og var fánlegur á markaði, ásamt því að meta hentugleika gildandi landsbundinna og alþjóðlegra prófunaraðferða. Að auki tóku þátttakendur mið af kröfum, sem þróaðar voru á samstarfsvettvangi evrópskra neytendasamtaka um staðlastarf (ANEC) ⁽²⁾ í rannsókn á öryggisbúnaði fyrir börn, sem birt var árið 2004⁽³⁾, sem og af vissum kröfum sem settar eru fram í staðli EN-71:1 um öryggi leikfanga.

- 8) Niðurstöður verkefnisins sýndu fram á að börn gætu opnað margar tegundir þeirra læsinga sem prófaðar voru, þrátt fyrir að þær væru sagðar barnheldar, aðrar tegundir duttu í sundur, brotnuðu eða stóðust ekki öldrunarpröfun og hjá öllum tegundum, sem prófaðar voru, vantaði hluta af nauðsynlegum grunnleiðbeiningum.

(2) ANEC — Samstarfsvettvangur evrópskra neytendasamtaka um staðlastarf. <http://www.anec.org/anec.asp>

(3) <http://www.anec.org/attachments/r&t005-04.pdf>

- 9) Því er nauðsynlegt að koma á sértækum kröfum, samkvæmt a-lið 1. mgr. 4. gr. tilskipunar 2001/95/EB, og mælast til þess, á grundvelli slíkra krafna, að samin verði drög að evrópskum öryggisstöðlum til að tryggja að slíkur búnaður sé barnheldur, haldist heill út áætlaðan endingartíma sinn, standist öldrun og mismunandi veðurskilyrði og að honum fylgi skýrar leiðbeiningar og upplýsingar fyrir notendur. Þessir staðlar skulu samdir í samræmi við tilskipun Evrópuþingsins og ráðsins 98/34/EB frá 22. júní 1998 sem setur reglur um tilhögun upplýsingaskipta vegna tæknilegra staðla og reglugerða sem og reglna um þjónustu í upplýsingasamfélaginu⁽⁴⁾. Birta skal tilvísanir í samþykktan staðal í *Stjórnartíðindum Evrópusambandsins*, í samræmi við 2. mgr. 4. gr. tilskipunar 2001/95/EB.
- 10) Undir þessa ákvörðun fellur aðeins sá læsibúnaður sem neytendur setja upp á glugga og svalahurðir. Læsibúnaður, sem er innbyggður í gluggakarm eða dyrakarm svalahurðar, fellur undir tækniforskriftir sem mælt er fyrir um í tilskipun ráðsins 89/106/EBE frá 21. desember 1988 um samræmingu á lögum og stjórnsýslufyrirmælum aðildarríkjanna um byggingarvörur⁽⁵⁾.
- 11) Þegar viðeigandi staðlar liggja fyrir og að því tilskildu að framkvæmdastjórnin ákveði að birta tilvísun í þá í Stjórnartíðindunum, samkvæmt málsmeðferðinni sem mælt er fyrir um í 2. mgr. 4. gr. tilskipunar 2001/95/EB, skal gengið út frá því að barnheldur læsibúnaður fyrir glugga og svalahurðir, sem neytandi setur upp, sé í samræmi við almennar öryggiskröfur tilskipunar 2001/95/EB, að því er varðar þær öryggiskröfur sem falla undir staðlana.
- 12) Ráðstafanirnar, sem kveðið er á um í þessari ákvörðun, eru í samræmi við álit nefndarinnar sem komið var á fót skv. 15. gr. tilskipunar 2001/95/EB.

HEFUR SAMÞYKKT ÁKVÖRÐUN ÞESSA:

1. gr.

Skilgreiningar

Í þessari ákvörðun er merking eftirfarandi hugtaka sem hér segir:

- „læsibúnaður sem neytandi setur upp sjálfur“: búnaður sem annaðhvort kemur í veg fyrir að gluggar eða svalahurðir séu opnaðar eða takmarkar opnun við fyrirfram ákveðna stöðu; slíkur búnaður er hannaður þannig að neytandi setji hann upp á glugga eða svalahurðir,
- „barnheldur“: að barn, yngra en 51 mánaða gamalt, geti ekki opnað búnaðinn.

2. gr.

Kröfur

Sértækar öryggiskröfur fyrir barnheldan læsibúnað, sem neytandi setur upp og sem þarf að uppfylla með Evrópustöðlum, skv. 4. gr. tilskipunar 2001/95/EB, skulu settar fram í viðauka við þessa ákvörðun.

3. gr.

Birting

Ákvörðun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Gjört í Brussel 7. janúar 2010.

Fyrir hönd framkvæmdastjórnarinnar,

forseti.

José Manuel BARROSO

⁽⁴⁾ Stjtið. EB L 204, 21.7.1998, bls. 37.

⁽⁵⁾ Stjtið. EB L 40, 11.2.1989, bls. 12.

VIÐAUKI

Sértækar öryggiskröfur og prófunaraðferðir fyrir barnheldan læsibúnað fyrir glugga og svalahurðir sem neytandi setur upp sjálfur*Eðliseiginleikar og affræðilegir eiginleikar*

Læsiþúnaður fyrir glugga og svalahurðir skal þannig gerður að hann þoli slit við sífelldar opnanir og lokanir, með eða án álags, sem og öldrun og mismunandi veðurskilyrði, s.s. sólskin, regn, snjó, ís, raka, hátt og lágt hitastig og vind, en haldist þó barnheldur.

Búnaðurinn verður að þola tilfallandi högg á endingartíma sínum án þess að brotna.

Til að gegna ætluðu hlutverki sínu verður búnaðurinn að takmarka stærð opsins á milli gluggakarms og opnanlegs fags þannig að þegar það er eins stórt og unnt er sé mögulegt, með skilvirkum hætti, að koma í veg fyrir að ungt barn komist þar í gegn, með sérstöku tilliti til þroska og mannmælingafræðilegra mála barna á mismunandi aldri.

Smáir hlutir

Til að koma í veg fyrir köfnunarhættu skulu lausir eða losanlegir, smáir hlutir vera það stórir að ekki sé hægt að kyngja þeim og/eða anda þeim að sér.

Skarpar brúnir og útstandandi hlutir

Til að koma í veg fyrir stungusár, skurðsár, svöðusár, að það klippist gat á húðina eða aðra líkamlega áverka, skulu brúnir vera rúnnaðar eða sniðskornar og ekki mega vera til staðar neinir oddar eða annað útstandandi yfirborð.

Klemmdir fingur

Á búnaðinum mega ekki vera aðgengileg op, að teknu tilliti til mannmælingafræðilegra mála barna á ólíkum aldri og getu þeirra.

Prófun

Með sérstökum prófunaraðferðum skal kanna þol gagnvart öldrun af völdum útfjólublárrar geislunar og hækkaðs hitastigs, þols gagnvart sliti, krafrænan stöðugleika og barnheldni. Vörur með sveigjanlega hluta, s.s. keðjur, víra og kaðla, skal einnig prófa með tilliti til ásláttar. Búnaðurinn má ekki bila og verður að virka að fullu eftir prófunina.

Prófunaraðferðirnar verður að aðlaga, eins og við á, til að prófa virkni læsiþúnaðar fyrir allar tegundir glugga (t.d. „franska glugga“ eða „glugga með opnanleg fög“, felliglugga og renniglugga).

Við prófanir skal afli beitt í óhagstæðustu áttir og skal mælt þannig að óvissa mælingar sé ekki meiri en $\pm 1\%$ og tilfærsla skal mæld þannig að óvissa mælingar sé ekki meiri en ± 1 mm.

Þáttaka barna í prófunum

Sannreyna þarf virkni til verndunar barna. Hafa skal kröfur um barnheldar umbúðir, í EN ISO 817, til viðmiðunar. Uppfylla verður viðmiðanir um bilanir sem mælt er fyrir um í þeim staðli.

Vöruupplýsingar

Vöruupplýsingar skulu veittar til að draga úr hættunni á hugsanlegri, fyrirsjáanlegri hættu tengdri notkun vörunnar.

Veita verður upplýsingar um örugga notkun vörunnar. Þessar upplýsingar skulu a.m.k. fela í sér eftirfarandi:

- Nafn og vörumerki framleiðanda, innflytjanda eða stofnunar sem ber ábyrgð á sölu vörunnar.
- Leiðbeiningarnar: „Lesið þessar leiðbeiningar vandlega áður en búnaður er settur upp og notaður. Ef ekki er farið eftir leiðbeiningunum getur það haft áhrif á virkni búnaðarins til verndunar barna. Geymið leiðbeiningarnar þannig að þær séu aðgengilegar til notkunar síðar.“
- Upplýsingar um tegund glugga sem varan er hönnuð fyrir.
- Leiðbeiningar um það hvernig og hvar á að setja búnaðinn upp með réttum hætti. Þörf getur verið á mismunandi leiðbeiningum fyrir mismunandi tegundir glugga og mismunandi efni, s.s. fyrir við, málm, plast o.s.frv. Þar sem nauðsynlegt er að setja búnaðinn saman, svo hann virki til verndunar barna, skulu leiðbeiningarnar vera nákvæmar og í sumum tilvikum þarf að láta í té sérstakt áhald til samsetningar.
- Allar aðrar upplýsingar í tengslum við örugga notkun.